

## Ծ Ր Ա Պ Ի Ր

**ՏԱՌԵՐԻ ԳԻՒՏԻ 1500-ԱՄԵԱԿԻ ԵՒ ՏՊԱԳՐՈՒԹԵԱՆ  
400-ԱՄԵԱԿԻ ՏՕՆԱԿԱՏԱՐՈՒԹԵԱՆ**

1. Բոլոր եկեղեցիներում սեպտեմբերի 30-ին և հոկտեմբերի 7-ին՝ կիրակի օրերը՝ նախօրօք ծանուցում անել ժողովրդին հոկտեմբերի 13 — 14-ին կատարուելիք հանդէսների մասին:

2. Հոկտեմբերի 13-ին, շաբաթ, Թարգմանչաց տօնի օրը՝ հանդիսաւոր պատարագ մատուցանել և քարոզի մէջ բացատրել երկու մեծ տօների պատմական նշանակութիւնը, դրուատելով ս. Մեսրոպի, ս. Սահակի, Թարգմանչաց և տպագրութեան արուեստի զլիսաւոր վաստակաւորների յիշատակը:

Պատարագից յետոյ Հոգեհանգիստ հայ գրականութեան և տպագրութեան վաստակաւորների համար:

Պատարագին և հոգեհանգստեան ներկայ են լինում եկեղեցական, դպրոցական և ազգային հաստատութիւնների ներկայացուցիչներն ու վարչութիւններն ամբողջ կազմով աշակերտութեան հետ:

3. Հոկտեմբերի 14-ին՝ կիրակի՝ հանդիսաւոր պատարագ և ապա Հայրապետական մաղթանք նոյն կազմով:

Պատարագից յետոյ՝ ցերեկը կամ երեկոյեան՝ տեղական յարմարութեան համաձայն՝ կատարում է դպրոցական հանդէս եկեղեցական, կրթական և այլ ազգային հաստատութեանց պաշտօնատար անձանց ներկայութեամբ: Հանդէսը բացւում է «Հայր մեր»-ով և «Նմանեալ Մովսիսի» Թարգմանչաց շարականով: Լինում են պատշաճ բա-

Մանօր. Շատ եկեղեցիներ ունեցող կենտրոններում եկեղեցական հանդէսները կարող են կատարուել մի կամ մի քանի եկեղեցիներում Հոգևոր Վարչութեան կարգադրութեամբ:

նախօսութիւններ տօնի նշանակութիւնը բացատրող, մէջ ընդ մէջ ոտանաւորներով, երգերով և նուագածութեամբ, ուր հնարաւոր է:

Հանդիսի սկզբում կամ վերջում աշակերտութեան ձրիապէս բաժանում են Մայր Աթոռի այդ առթիւ հրատարակած հանրամատչելի գրքոյկները: Գարոցական վարչութիւնները կարող են իրենց կողմից ևս յարմար նուէրներ՝ գրքեր, պատկերներ տալ սաներին:



**Մ. ԷՋՄԻԸՆԻ ՏՕՆԱԿԱՏԱՐՈՒԹԻՒՆՆԵՐԻ ՀԱՄԱՌՕՏ ԾՐԱԳԻՈՂ**

Տառերի գիւտի 1500-ամեայ և սլագրութեան 400-ամեայ համագային փառաբանութեան

**ՄԵՐ ՅՕԲԵԼԵԱՆԻ**



Ուրբաք հոկտեմբերի 12-ի երեկոյեան ՆՈՐԻՆ ՎԵՀԱՓԱՌՈՒԹԻՒՆԸ հանդիսաւոր թապօրով իջնում է Մայր Տաճար, ուր տեղի կունենայ նախատօնակ ս. Թարգմանչաց յիշատակին:

Շաբաթ (ս. Թարգմանչաց տօնին՝ հոկտեմբերի 13-ին) հանդիսաւոր գնացք ՆՈՐԻՆ ՎԵՀԱՓԱՌՈՒԹԵԱՆ Տ. Տ. ԳԷՈՐԳԵ-ՐԳ կաթողիկոսի յՕշական՝ ուղեկցութեամբ ամբողջ միաբանութեան և պատգամաւորութիւնների:

Պատարագ ս. Մեսրոպի գերեզմանի վրայ:

Հայրապետական մաղթանք:

Պատարագից յետոյ պատգամաւորների բանախօսութիւններ, հեռագրերի և ուղերձների ընթերցում ս. Մեսրոպայ եկեղեցու բակում:

Կիրակի, հոկտեմբերի 14-ին, Մայր Տաճարի Իջման սեղանի վրայ հանդիսաւոր պատարագ, ապա հոգեհանգիստ գրի և տպագրութեան վաստակաւորների յիշատակին:

Նոյն օրը պատարագից յետոյ կլինի ցերեկոյթ երա-  
ժշտութեամբ և երգեցողութեամբ:


Շաբաթ և կիրակի երեկոները հրավառութիւն և երա-  
ժշտութիւն Վանքի և ձեմարանի բակում:

Այս ծրագրով սկսուելու է Յորելենական տարին 1912 թ.  
հոկտեմբերի 13-ից—1913 թ. հոկտ. 12. բոլոր եկեղե-  
ցիներում, դպրոցներում և այլ ազգային հաստատութիւն-  
ներում:

Յորելենական Տարուայ ընթացքում դպրոցներում և  
այլ ազգային հաստատութիւնների մէջ կազմակերպուելու  
են երեկոյթներ, ցերեկոյթներ, համերգներ, դասախօսու-  
թիւններ ժողովրդի և աշակերտութեան համար. այլ և  
էքսկուրսիաներ դէպի Օշական:

Տարուայ ընթացքում լինելու է ժողովարարութիւն  
և դրամական նուիրատուութիւններ յօգուտ դպրոցական  
ֆօնդի:

Տարին փակուելու է 1913 թ. հոկտ. 12-ին ս. Թարգ-  
մանչաց աօսին ս. էջմիածնում մեծ հանդիսաւորութեամբ  
ազգային հաստատութիւնների ներկայացուցիչների մաս-  
նակցութեամբ:



Ծանօթ. ԴՊՐՈՅԱԿԱՆ ՖՕՆԴԻ համար ժամանակին կլինի ա-  
ռանձին կարգադրութիւն: